

# Rapport sur la XVIII. redunonza della Romania dals 22 Settember a Casti en Surmir

Objekttyp: **Group**

Zeitschrift: **Igl Ischi : organ della Romania (Societat de Students Romontschs)**

Band (Jahr): **14 (1912)**

PDF erstellt am: **29.06.2024**

## **Nutzungsbedingungen**

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

## **Haftungsausschluss**

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

**RAPPORT**

sur la

**XVIII. redunonza della Romania**

dals 22 Settember a Casti en Surmir.

Ei fuva in bi di d'atun, cura che la Romania ha puspei clamau ensemen ses commembers tier ina redunonza populara a Casti. En ses 20 onns d'existenza ei quei la secunda gada, che ella ei seredunada ordeifer la Surselva, ils 31 ded Uost 1903 a Domat ed ils 22 de Settember 1912 a Casti.

Arrivaus il tren de miezdi ein ils activs cun in tschupel honoraris seredunai el Hotel Albula per deliberar las tractandas officialas della societad.

Sco solit ei quella redunonza vegnida aviarta dal president, Christoffel Cathomas, stud. med., tras in quort, mo fetg cordial plaid de beneventaziun. Il protocol della 17avla redunonza a Glion 1911 ei vegnius approbaus, medemamein il quen, ord il qual seresultescha, che la facultat della Romania ei carschida tras in avanzament de 197 fr. sin 852 fr. 80 cts. En tut ei vegniu vendiu durtant igl onn vargau 528 exemplars digl Ischi. Da part de Sgr. mistral Condrau vegn remarcau, che biars exemplars vegnien refusai, en special da commembers activs, per motiv, ch'els avisien buca ils lur de casa. Ins vegli per quei en cass d'absenza comunicar il niev liug de domicil, sin quei ch'igl Ischi sappi vegnir termess tier als commembers sez. Sco liug della redunonza generala per 1913 vegn destinau Trun.

Las elecziuns han giu il sequent resultat:

Com. honoraris: Rev. Sgr. plev. Caminada, Trun  
Sgr. Dr. Willi, Cuera.

Activs: President: Decurtins, stud. vet., Sedrun  
Vicepres.: Laim, stud. med., Alvegni  
Actuar: Coray, stud. phil., Laax.

Silsuenter ha giu liug la redunonza populara. La maiestusa sala dil Hotel Julier fuva emplenida cun auditurs ord las differentas valladas romontschas, en special ord Sur- e Sutses. Sgr. presid. Andriu Steier de Riom referescha sur relaziuns giuridicas en Sur- e Sutses duront ils tschentaners passai. Sin fundament dils vegls statuts dil cumin, d'enqual auter document, sco era de notizias rimnadas ord la bucca dil pievel, ha il Sgr. referent dau in clar maletg dil temps, nua ch' ils de Sur- e Sutses havevan mo ina fuortga communal, clamavan ora las «martgas» ils dis de perdanonza. Quellas tuttavia interessantas dilucidaziuns han anflau viv applaus tier ils auditurs. Sgr. pres. Cathomas, stud. med., engrazia al referent per la beinreussida lavur e Sgr. prof. Dr. P. Tuor sedeclara bugen prompts ded acceptar quella en la proxima annada digl organ de nossa societad.

Sco solit suonda alla part scientifica la part hilarica. Plaids serius e plaids plein humor, baul en suns sursilvans, e baul en suns de Surmir han sescomiau vivamein. — Nies special laud ed engraziament meretan las bialas producziuns de cant dil chor viril de Casti, che han cungiu stupent la festivitad, ton pli che tuttas canzuns fuvan romontschas. — Senza dubi, la fiasta a Casti dumbra denter las pli bialas e las pli cordialas, che la Romania ha enzacuras festivau.

*Max Coray*, phil., actuar d. Romania.